

نومرو : ۱۴

حزيران ۱۳۲۶

ايكنجی سنه

علم حقوقي و مقاييسه قوانين مجتهد و عثماني

مرآی نشر اول نور

مؤسس و صاحبي

کور ملحه مبعوثی : محمد عارف

یلان شاه‌دلیکی

مرفیجه بديات محكمه‌سی اعضاسندن : یاقو سامی

قانون جزامزك اشخاص حقنده وقوعبولان جنایت و جنحه‌لره مجازات مرتبه‌لرندن باحث بولان باب تاینك بشنجی فصلنده یلان شاه‌دلیکی حقنده بعض احکام جزائیة موضوعدر .

قانون مدیمزك و جزا قانوننامه‌سنك احکام عمومیه‌سیله مارالذکر فصلده مصرح احکامدن مستنبط اولدیی اوزره یلان شاه‌دلیکی : « برکسه‌نك دیگر کسه‌ده اولان حقنی اثبات ایچون حضور محکمه‌ده و خصمینك مواجهه‌لرنده طرفینك برینی اضرار قصیده قولاً و یا تحریراً حقیقته مغایر و یمن تحتده اوله‌رق لفظ شهادتله خبر ویرمکدر . » دیو تعریف اوله‌بیلیر .

واضع قانونمز کندیلرینه اسنادات جرمیه‌ده بولونیلان اشخاصك جزا محکمه‌سی حضورنده علناً محاکمه صندالیه‌سنده اوتورمسندن مقدم اول شخصك مجرمیتله قناعت قطعیه دکلسه‌ده بر درجه‌یه قدر یقین حاصل اولسنی تنسیب ایلدیکندن حکامی تحقیقات و حکم حکامی؛ دیوایکی صنفه ایرمشدرکه مستنطقلر ایله هیئت اتهامیه صنف اول و هیئت محاکم صنف ثانی حکامنی تشکیل ایدر .

قانون جزامزك ۲۰۷ نجی و ۲۰۸ نجی ماده‌لرینك سبک و ربطندن و حاوی اولدقلری احکامنك مزجندن تظاهر ایلدیکنه نظراً یلان شاه‌دلیکی انجیق حکم حکامی تعبیر دیگرله محاکم حضورنده ارتکاب ایلدیکنی تقدیرده مستلزم مجازات اولور یعنی تحقیقات حکامی حضورنده و ضابطه عدلیه وظیفه‌سنی اجرا ایدن مدعی عمومینك و ضابطه اداره‌مأمورینك تحقیقات اولیه اثناسنده ارتکاب ایدلسه مستلزم مجازات اوله‌ماز . [بونی مؤید متعدد مقررات تمیزیه واردر] .

اصول محاکمه جزائیة قانون موقتینك مواد عمومیه‌سنجه محاکم جزائیة‌ده جلب و استماع ایدیلان شهود؛ ادعا شهودی و اظهار حقه مدار شهود دیوایکی قسمه تقسیم اوله‌بیلور . قسم اول شاهدلری مع‌التخلف اصل جرم مسند به

شهادت ایدر. قسم ثانی شهردی ایسه حکم حاکمیرینک تنویر فکر و تأمین قناعتلری ضمننده بلا تخلیف استماع ایدیلان شهوددر بوقسم اخیر شهودک شهادتی اصل فعل مدعایه و جرم مسنده حقنده جاب و استماع ایدلمسی محضا حکامک تنویر فکر و تأیید قناعتی ضمننده ایدوکنندن و قانون جزانک اوچنجی مادهسنده تعداد ایدیلان مجازات ترهیدیه ایله محکوم ایدلمش اولانلرینه قانون مذکورک ۳۱ نجی مادهسی دلالتیه بناءً بونلرک حضور محکمهدهکی اخبارات و بیاناتی طرفینک برینی اضرار قصدینه مقارن اولدیفنی ثابت اولسه بیله نظر قانونده اخبارات مذکوره شهادت ماهیتنی حائر اولمدیفندن حققرنده یلان شاهدلکی حقنده موضوع مجازات ترتیب ایدیلهماز.

بر کسه هم مدعی همده شاهد اولهماق و شهادتده دفع و جرمغم داعیهسی بولناماق قواعد قطعیة حقوقیهدن اولدیفنه نظراً مظنونلرک و یا متهملرک ذمتلرینی تبریه ایچون درمیان ایده جکلری مدافعانک و اصول فروع و فروع اصول اهنده و یا علیهنده ادا ایده جکلری شهادتک حقیقته خلافی تبیین ایدیه بیله یلان شاهدلکننده موضوع عنصر قانونی مفقود اولمسندن ناشی جرم مذکور قانوناً شکل ایتمز.

یلان شاهدلکی جرمی مواد متعلقه قانونیهدن مستنبط اصول وجهله تحصیل ایده. بیلیمک ایچون هر حالده حقیقتی تغیر ایدیلان اخباراتک دعوائی مولد فعل منهی عنک اساس و ماهیتنه و اسباب مشدده قانونیه و تقدیریه سنه تعلق ایلمسی شرطدر. اخبارات محرفه فعل منهی عنک تفرعاتنه تعلق ایلدیکی حالده طرفینی اضرار قصدندن زیاده خطایه محل ایدیلهم بیله جکشدن جرمیت اناری مرتفع اولدیفنه بناءً جزا ترتیبی موافق عدل اولهماز. مع هذا بونظریه به مخالف جرائد عدلیده بعض احکامه مصادف اولورز. فرانسه محکمه تمیزندن صادر ۱۷ حزران ۱۸۸۱ تا یخلی قرار بوکا مثال اوله بیلور.

اسمنی، صنعتی و مظنون و یا متهم ایله اولان قرابت و صهرتی خلاف حقیقت اوله رقی بیان ایدن شاهد یلان شاهدلکی ارتکاب ایش اولماز. اصول

محاکمه جزایه قانون موقتک ۲۶۸ نجی ماده سی فقره ثالثه سنک تعمیق مندرجاتندن مستفاد اولور که شهادت تحقیق هویتدن صکره ریاست محکمه جانبندن مشهود به متدائر ایدی لان سؤاله جواب ایله باشلا دیغندن بومقوله بیانات کاذبه نظر قانونده شهادت عدایدلامکه برابر فعل منهی عنک ماهیتنی و جزای مرتبتک مشدد احوالی تغییر و تبدیله صالح دکادر. انجق شاهدمن کورک اخباراته ایدیله جک امنیتی تقیل ایدر. [۰]

ادای شهادتدن امتناع جرمی ایله بلان شاهی دلکی جرمی بیننده مشابعت قانونیه یوقدر. شاهدک ادای شهادتدن امتناعی حائده اصول جزائک ۷۵ نجی ماده سنه توفیقاً تحدید مجازات ایدیلور. شاهد مشهود بی قسماً عن قصد مسکوت عنه سیکرسه حقنده ادای شهادتدن امتناع ایدنلر ایچون موضوع مجازات تطبیق ایدلک لازم ایدوکنی بیانده علمای حقوق متفق درلر. شوقدر وارکه قصداً اسسکات ایدی لان جهت حقیقتی تغییر و تحریف ایدر ماهیتده بوانور و فعل مدعا بهک خلافتی مثبت بر فعل مادی به تعلق ایلسسه احوالده بلان شاهی دلکی جزایسی ترتیبی لازمدر.

بر جنبه محکمه سی حضورنده جلب و استماع ایدی لان شاهد یمین تحتنده اوله رق مدعا به حقنده کی معلوماتی قسماً عن قصد کتم ایلر و کتم مذکور جرم مسند بهده کندیسنک دخل و شرکتی اولدیغنی بیلدیر مامک نیتنه مسند اولسه بیله شاهد مذکور تعقیبات لازمه جزاییه معروض طوتیله جغنه متدائر یارس محکمه استینافیه سندن ۲۷ اغوستوس ۱۸۲۴ تاریخلی بر قرار وارددر. قرار مذکوره استناداً بر شاهد ولو کندی لهنده اولسون استدیکی یمینی بوزماز و واضع قانون بلان شاهی دلکی بحثنده هیچ بر استننا وضع المدیکی کی یمینک مفید و متضمن اولدیغنی قدسیتی بوکی قیود استثنایه دن ازاده در. دینلور. فقط Bourguignon بو قراره قارشو شدتله اعتراض ایلدی. «بووضعیده بولنان مخبرلر شاهد عداوانه مامسی nullus innesuatis intelligitur قاعده کلیه سیله افاده اولنان حال مبرم قانونینک مقتضیاتنددر بوندن بشقه

قانون فرعك اصل و اصلك فرع علیه ادای شهادتندن معفو کوربور. بناءً علیه ر شخصك کندی علیه ادای شهادتی فصل تجویز ایده بیلر « دیور. مجله احکام عدلیه مزك ۱۷۰۰ و ۱۷۰۳ و ۷۰۴ نجی ماده لری Bourgingnon ك بو طرز محاکمه سنی مؤید احکامی حاویدر.

شاهد لردن صادر اولان نفی کذب شهادتی *fausse déposition négative* ا کر ادله و امارت موجوده مقنعنه قوتی ویا جرم مسند بهك درجه وضوحی قلیل و تحدید ماهیتده ایسه شاهد مر قوم شهادت زور ایله تجریمی لازمدر. بوماهیق حاز اولیان نفی بیانات یلا. شاهد لکی تشکیل ایدماز. بو نظریه مجله جلیلهك ۱۶۹۹ نجی ماده مسنده موضوع حکمه تماماً موافقدر. ماده مذکورده ده: « بینه برحق اظهار ایچون مشروع قلمشدر بناء علیه فلان کسه اوایشی ایشلمدی و فلان شی فلان کسهك دکلدرد و فلانك فلانه بورچی بوقدر کی نفی صرفه شهادت مقبول اولماز » دینلمشدر. بوکی شهادتك مقبول اوله مامسك سببی بالاده عیناً درج ایدی لان مادهك فقره اولاسنده مصرحدر.

ر شاهدك بیانات متخالفده بولنسی ایله یلان شاهد لکی ارتکاب ایتمش اولماز. تخالف واقع اضرار قصدندن زیاده حافظه نك ضعفنه ویا ذهن قاریشقلغنه محل اوله بیلور. فقط بومثلو بیانات شاهدك تغیر حقیقت قصدنی ایما ایدر و شاهد بیانات مذکورده اصرار ایلرسه حقنده تعقیبات قانونیه توسل اولنور. یلان شاهد لکک ایقاعیه قصد ایدی لان ضرر مطلق الحصول اولسی شرط اولوب ممکن الحصول اوله بیله ینه یلان شاهد لکی جرمی حاصل اولور. جرم مذکورك حین تحقیقنده ضرر مقصودك وقوع ویا عدم وقوعی موضوع بحث ایدلماك لازمدر.

یلان شاهد لکی جرمی شهادت واقعه ضبط دعویه کچوب بعدالقرائه شاهد طرفندن تصدیق ایدلکدن صکره تمام اوله جفی بیاننده علمای حقوق اتفاق اتمکده درلر. بو نظریه حقنده دوائر تحقیقه جه اتهامنه قرا ویریلان کسهك له ویا علیه ادای شهادتك کذب اساسنی وضع ایدن قانون جزا مزك ۲۰۷ نجی ماده سنه [*] موافق اولمقده برابر شاهد لره تحقیقات اثباتنده ادا ایش اولدقلری

[*] فرانسه جزا قانونك ۲۶۲ نجی ماده سنه مقابلدر. تسمیه شاهد لره راعه راعه

شهادت کاذبه دن رجوع ایچون برزمین مساعدا حضار واعداد ایلدیکی کبی نتیجه دخی محاکمه ائساننده و محاکمه نك ختامی تفهیم ایدلسندن مقدم اخبارات کاذبه سندن رجوع ایدن شهود حقنده عین معافیت جزائیه جاری اوله جغنی یعنی یلان شاهده لکی جرمی تحصیل ایدمه چکنی قبول ایلدور .

بونظر بیه نك و نتیجه سئك اصابت قانونیه سی نص قانون ایله تأیید و تصدیق ایدلمک برابر محاکم اجتهاداتنده بوندن تباعد ایلدکاری کوریورز . پارس محکمه استینافیه سی نظریه مذکوریه یی تحدیداً تفسیر ایدرک شهادت کاذبه نك اداسیه ولو عقبنده رجوع ایدلمش بولسون جرم تمام اوله جغندن قانون جزانك مواد مخصوصه سنده موضوع مجازانك همان تطبیقته توسل اولنق اقتصاً ایتدیکنه دائر ۱۶ آغستوس ۱۸۳۶ تاریخنده برقرار اصدار ایلدیکی حالده ۱۵ مارت ۱۸۳۸ تاریخنده دخی نظریه مذکوریه یی توسیعیاً تفسیر ایدرک محاکمه ائساننده شهادت کاذبه ده بولنان شاهده کذب تحق ایدرک توقیفه قرار ویرلدکن صکره شاهد مرقوم شهادتندن رجوع ایله یلان شاهده لکی جرمی تمام اوله یه جغنه و بناء علیه تعقیبات جزائیه لزوم اولمادیغه قرار ویرمشدر .

قرار اول قانون جزانك ایکنجی ماده سنده موضوع « بر جنایت اجرا سنه بدأ ایله وقوع بولان تشبث جنایت عینی عد اولنور » قاعده عمومیه سنه توفیق ایدلمش ایسده قاعده مذکوریه استئنایا تشکیل ایدن سینه قانون مذکورک ۳۶۱ نجی ماده سئك صراحتنه منافیدر . قرار ثانی دخی مجرم جرمی اتمام و حقنده جرم ایقاع ایدیلان کسیه تعلق ایلدکن صکره احوال معینه قانونیه دن ماعدا یرلرده جرم و مجازات مترتبه سی زائل اوله مامسی قاعده مسلمة قانونیه تماماً مغایردر . متهمک له ویا علیهنده یلان شاهده لکی ایدن شاهد حقنده ولو متهمک نتیجه محاکمه برائتیه حکم ایدلمش بولنسی دعوائی عمومیه اقله سنه مانع دکلدر . محکمه بدایت حضورنده کاذباً ادای شهادت ایدن شاهده ماده اصلیه محکوم بهانک استینافاً حین تدقیقنده شهادت کاذبه سندن رجوع ایلمسی حقنده تعقیبات قانونیه جزائیه به توسلنه مانع دکلدر . چونکه یلان شاهده لکی جرمی تعلق ایلدیکی ماده بدایه تحت حکمه التخله تمام اولمش اوله جغندن ماده مذکورنك استینافاً رؤیتی فعل مذکورک جرمیتی ازالیه سبب اوله ماز . کذلک حکمک تمیزاً نقض

ایدلسی ضمنده ماده نك بئكرار رؤیتی ائساننده شهادت متقدمه كاذبه دن رجوع ایدلسی جرمیتی رفع وازاله ایدمهیه جکی اولویتله وارددر .

حكاكه جزائیه نك ۲۶۱ نجی ماده سنده محرر اصول دائره سنده معامله ایدله كده محكمه یلان شاهدلیکی دعواى حادثه سی تعلق ایدلیکی دعواى اصلیه دن اول حكمه ربط ایدمه بیلیر. شاهد زور دعواى اصلیه نك آتامی ضمنده ایدیه لك حكاكات متعاقبه ده شهادتندن رجوع ایدر زعمیه لر رئیس محكمه دعواى اصلیه یی تأخیر ایدمه ماز .

یلان شاهدلیکی جرمی مجازات ترهیه ویا تأدیه ویا تكدیریه یی مستلزم افعال حقدنه ایقاع اولمه بیله جکی كبی حقوق عادیه حكاكى حضورنده بریى اضرار قصدینه مبتنی اوله رق ایدیلان اخبارات كاذبه دخی یلان شاهدلیکی جرمی حاصل ایدر. [قانون جزا ماده ۲۰۹]

اغفال شهود

قانون جزا مارك ۲۱۰ و ۲۱۱ نجی ماده لر شهودك اغفالی اوزرینه ترتیب ایدن احكامی جامعدر. مواد مذكوره یه نظر آ اغفال؛ الحق یاره ویرمكه ویا كرها و جبراً ایفای شهادتدن منع ویا یلان شهادتی اشدیرمك صورتیه اولور . فرانسه قانون جزا سی ۳۶۵ نجی ماده سی ایله مواد تالیه سی بالاده بیان ایدیلان وسائط اغفالدن ماعدار كرك تحریراً و كرك شفاهاً وعدده بولنق واسطه سی دخی علاوه ایدبور . بزم قانون جزا ده اولبا بده كی فصلده بوجهت تصریح ایدلما مشهده ۲۱۰ نجی ماده نك صراحتنه نظر آ اغفال شهود ایچون یاره ویرن شخص حقدنه عینیه راشی ویا ره اخذ ایلوب شهادت كاذبه ده بولنان شاهد حقدنه مرثی جزا لر تعیین ایدلش اولدیغنه نظر آ و فعل مذموم رشوت دخی قانونك ۷۶ نجی ماده سی صراحتنه كوره مقاوله تنظیم ویا تعاظمی ایلك صورتیه ایقاع وار تكاب ایدیه بیله جکی صورتی تصریح ایدلش اولدیغندن فرانسه جزا قانوننده كوریلان اشبو تحریراً

وشفاها و عددہ بولمقی صورتیہ اغفال؛ جزا قانونمز احکامجہدخی مستلزم مجازات اولہ جنی مرتبہ وضو حدہدر، جزا قانونمزک ۲۱۰ و ۲۱۱ نجی مادہلرینہ فرانسر جزا قانوننک مواد متعلقہسی طرز تنظیملرندن استنباط اولتورک شہود اغفالی بر جرم مستقل تشکیل ایلیوب انجق یلان شاہدلیکی جرمک فرعیدر، بناءعلیہ شہودک اغفالی جرمی انجق یلان شاہدلیکی ارتکاب ایدلیکی ویا کاذباً ادای شہادتہ تشبہت اولسدقده تجزیہ ایدیلہجکی و شہادت کاذبہدہ بولندیفی ادعا ایدیلان شاہدک برائت ذمتی تحقق ایلیہجک اولورسہ کرک قانون جزامزدہ و کرکسہ فرانسه جزا قانونسندہ مصور اغفال صورتلرینک بری ویا جملہسی ایلہ شاہدی اغفال ایدن شخص حقدہ تعقیبات جزائیہ توسل اولہماز . درسمادت محکمہ جنایتی اجتہادی بومرکزدددر . (۲۷ کانون ثانی ۳۲۴ تاریخ و ۲۴۷ نومرولی قرار یونی مؤیددر) فرانسه محکمہ تمیزندن تواریخ مختلفہدہ بومستلہبہ متدائر صادراولان مقررات، محکمہ مذکورہنک اجتہادی بومرکزددہ ثابت اولمیدیفی ارائہ ایلکدہدر . شویلهک :

۲۲ اغستوس سنہ ۱۸۳۴ تاریخندہ اغفال ایدیلان شاہدک عندالمحاکمہ کاذب شہادتی اضرار قصدینہ مبتئی اولیدیفی ثبوت بولمیدیغہ بناءً برائی جہتنہ کیدلسی اغفال ایدن شخص حقدہ تعقیبات جزائیہ توسلنہ مانع اولمیدیغہ قرار ویرمشدر . قرار مذکور ۳۶۵ نجی مادہسی صراحتہ منافی اولمقلہ برار اغفال نتیجہسندہ شاہد مذکورک شہادت کاذبہدہ بولندیفی محکمہ تمیزک تحت تسلیمندہ اولیدیفی حالہ برائی جہتنہ کیدلسی غرائنددر .

تفصیلات آنفہبہ نظر اغفال شہودجرمی منفرداً تدقیق ایدیلورسہ بر جرم مستقل تشکیل ایدلیکی و انجق مادہ ارتکاب ایدلش یلان شاہدلیک جرمنہ اشتراک صورتیہ جرم تشکیل ایدلیکی اکلاشلور . دعاوی فی فصل اتمکلمہ مکلف حکام حضورندہ ادا ایدیلوب مہتم ویا مظنونک لہندہ ویا علیہندہ ایدیلان شہادت یلان شاہدلیکی جرمی تشکیل ایلیہجکندن تحقیقات حکامی حضورندہ شہادت ادا ایدیلری اغفال ایلیہرک یلان شاہدلیکی ایدیرن کسان حقدہ مواد معلومہ جزاشہدہ مصرح مجازات تطبیق ایدیلہماز . یلان شاہدلیکی کرک جزا قانونمزک ۲۱۰ و ۲۱۱ نجی مادہلرندہ و کرکسہ فرانسه جزا قانوننک ۳۴۵ نجی مادہسندہ

محرر صورناریله استحصا ایدلمش اولیهرق یالکنز مشهود علیه حقنده لطفاً
ویا جمیلة ادا ایدلمش بولدینی حالده اغفال شهود حقنده موضوع جرمیتی ازاله
ایدهماز . [یارس محکمه استثنایه سی قرار ی]

حقوقشناساندن Pouslin-Hélie بوکا شدتله اعتراض ایدیور . اغفال
شهود انحق اخافه ، وعد . تهدید کی واط اغوائیه ایله یلان شاهدکی
طلب ایدلمکه حاصل اولور « دیور .

یلان شاهدکی حقنده دعوای عمومیه نك صورت قامه سی

صلاحیت محاکم ، مجازات .

یلان شاهدکی جرمی حقنده دعوای عمومیه یعنی حقوق عمومیه دعوای
اقامه سی جرائم عادیة سائر حقنده جاری اصوله تماماً تابعدر . شوقدر وارکه
انمای محاکمه و مدافعه ده شاهدک شهادتی کذب اوزرینه ادا ایدلمی کورینورسه
اصولک ۲۸۱ نجی ماده سی احکامنجه مدعی عمومینک ویا مشتکینک ویا مقظونک
طلبی اوزرینه ویاخود رأساً رئیس محکمه شاهد مذکور ی حال موقوفیه
آله یلور . بو باده مدعی عمومی ضابطه عدلیه وظیفه سی ورئیس ویاخود اعضادن
رئیسک تعیین ایده چکی برذات دخی مستنطق وظیفه سی اجرا ایده چکدر .
واوراق استنطاقیه شاهد موقوفک تحت محاکمه یه النوب النمامسنه قرار ویرلمک
اوزره هیئت اتهامیه یه اعطا قنلور .

ماده مذکورده مصرح توقیف حکمی رئیس محکمه جانبندنی ویریله چک ؟
یوقسه هیئتجه بعدالتدکر تحت قراره النوب جانب ریاستدنی تفهم قلنه چق ؟
بوجهتک تعییننده شارحار اتفاق ایده مدکلری کی بو باده اجتهادات محاکمه عین
قطعی کورلمدیکندن بوکا دائر بر فکر قطعی درمیان ایدلهماز . مع هذا یارس
محکمه جاییدن تواریخ مختلفه صادر اولان مقررات بوکی احکامک اعطاسی رئیس
محکمه یه محمول ومنحصر ایدوکنی ایما واشراب ایلکدهدر .

اصولک کرک مارالذکر ۲۸۱ نجی ماده بیله و کرک مواد متعلقه سی احکامندن مستنبط درکه رئیس محکمه کذباً ادای شهادت ایدن شاهدلرک توقیفی جهته کیتیمه رک اونی محکمه دائر مسنده مرافعه اساسنده تحت نظارته الديره بيلمک و بو صورتله تحت نظارتده بولدر دینی شاهی بعد المرافعه توقیفخانهیه ایصال ایلک صورتیه توقیف ایتدی بيلمک صلاحیتی حائزدر . هر حالده رئیس محکمه بر ضبط ورقه سی تنظیم ایتسی مقتضیدر . هر قدر متن ماده ده بوکا دائر صراحت قطعیه یوقسده صول محاکمه و جزایه نك احکام عمومییه سی مقتضیاتنددر .

بو باده تنظیم ایدیله جک ضبط ورقه سی یلان شاهدلیکی مرتبه ثبوتیه ایصال ایدیه جک افادات متباینه نی جامع و بویکی شهادتده بولسان شهودک اساسی نی مبین اولمیدر . شوقدر وارکه بویله بر ضبط ورقه نك فقدانی و یا صورت مبسوطه دائر مسنده تنظیم ایدیلماش اولسی معاصله نك بطلانی استلزام ایلز . ادای شهادت ایدن کسه جرم مشهود بیده دخل و اشتراکی اولدیغنه هیئتجه قناعت حاصل اولورسه بو باده ضبط ورقه سی تنظیم ایدیله رک شاهد مرقوم حقنده توقیف مذکور سی اصدار ایدیله رک تحقیقات اجرامی ایچون ضابطه عدلیه مأموریه سوق ایده بیلر . رئیس محکمه نك بو صلاحیتی استعمال ایلسی شاهدلرک سربستی انهادیه تعرض ماهیتی حائز دکلدر . مظلون و یا مهم . انسای مدافعه ده کذب اوزر سی ادای شهادت ایدنلر حقنده دعوای عمومییه اقامه سی طلب ایدیلکی حالده اشبو دعوای عمومییه نك مدعی شخصی صفتنده بولنه جی طیبی اولقله نتیجه دعواده هر نه صورتله اولورسه اولسون شاهد تبریه ایتسه مصارف محاکمه ایله معاتب طوتیله جقدر .

جزا قانوننرک ۲۰۷ و ۲۰۸ نجی ماده لرنده یلان شاهدلیکی حقنده ترتیب و تحدید ایدیلان مجازته کوره جرم مذکور هم جنایت حمده جنجه عدا ایدیلکده بولدر فتن استلزام ایدیلکی جزایه کوره محکمه عایده سند و قی اقتضایدر . بویله که اگر جنایانه متعلق مواد ایله مهم اولان کسه نك کرک لهنده و کرک علمنده یلان شاهدلیکی ایدن شاهر حقنده موقت کورک و اگر جنایتله مهم اولان کسه شاهدک شهادت کاذبه بیله موقت کورک جزا سندن اشد بر جزا کورمش ایسه شاهد زور حقنده دخی عینیه بو جزا ترتیب اولقلق مقتضای امر

قانون بولنش اولقله بو حالدہ دعوی عمومیہ محکمہ جنایت یعنی استینافاً
تشکیل ایدن محکمہ دہ رؤیت اولمق ایجاب ایدر. بر جنحه وقباحته متعلق مواد ایلہ مظنون
اولانلرک کرک لہندہ و کرک علیہندہ یلان شاهدلکی ایدن شخص حقنہ
بر آیدن یش آہ قدر حبس جزاسی ترتیب ایدلش اولدیغندن بو حالدہ دخی
محکمہ بدایتہ رؤیت ایدلمی لازمدر. صورت اولادہ صادر اولان حکم اعلامی
رأساً تابع تمیز اولوب صورت ثانیہ صادر اولان اعلام دخی قابل
استیناف و تمیزدر. نہب وغارت وشقاوت مادہلری تحقیق وفصلی ضمنندہ
تشکیل ایدن دیوان حربلر حضورندہ ارتکاب ایدیلاں یلان شاهدلکی جنایات
ایلہ اغفال شہود جرملری تحقیقہ صاحبدار دکلدرلر. چونکہ کندیلرینہ بویلہ
بر صلاحیت صراحہ بخش ایدیلمشدر روم ایللی ولایتندہ تقریر اشایس وشقاوتک
منعی ضمنندہ مقدما نشر ایدیلاں قانون - چتہ لر قانونک - مواد عمومیہ سندہ
بویلہ بر صراحتک فقدانی مطالعہ مزى تأیید ایدر

یلان شاهدلکی جرمندن متولد دعوی عمومیہ ہر حالہ مدعی عمومیلک
طرفدن تعقیب ایدلمک مقتضیدر. متہم ویامقام ریاستک طلبی اوزرینہ شہادتہ
مراجعت اولمق اولمق قضیہ سی مدعی عمومیلکک اشبو صلاحیتی استعمالنہ
سکتہ کتیرہ ماز. منافع اجتماعیہ بوبایدہ ایقاع ایدیلاں جرائمک تعقیب سز قالماسنی
آمر و سائقدر. یلان شاهدلکی جرمی ازمنہ قدیمہ بیلہ مجازات شدیدہ
ایلہ تجزیہ ایدلش جرائمندر فرانسدہ اون بشنجی عصرہ یلان شاهدلکی
جنایاتی حقندہ اعدام جزاسی جاری ایدی. بالآخرہ تواریح مختلفہ مجازات
مذکورہ تعدیلاتہ اوغرامش و النہایہ مواد جنائیدہ ایقاع ایدیلاں یلان
شاهدلکی حقندہ موقت کورک و جنحه وقباحته متعلق مواد حقندہ کی یلان
شاهدلکی دخی حبس موقت ایلہ تجزیہ اولندی. واضع قانونمز دخی بو جرم
حقندہ کی مجازاتی فرانسدہ جزا قانونندن عیناً اقتباس ایلش اولدیغندن تکراری
زائد کورلمشدر قانون جزامزک ۲۰۷ نجی مادہ سنک فقرہ ثانیہ سندہ :
« عزو جنایت ایلہ متہم اولان کسہ انک شہادت کاذبہ بیلہ موقت کورک جزاسندن
اشد بر جزا کورمش ایسہ شاہد زور حقندہ عینلہ بو جزا اجرا اولنور . »
دیہ تصریح ایدلش اولمسنہ نظراً یلان شاهدلکی جرمی حقندہ موضوع مجازات
اسباب مشددہ ایلہ تشدیداً تعدیل ایدیلہ بیلہ جکفی ایما ایدیور .